

## A I R E A M H.

ith e threach, agus gus an òl e fuil nam marbh.

25 Agus thubhairt Balac re Balaam, Na dean aon chuid am mallachadh idir, no'm bean-nachadh idir.

26 Ach fhreagair Balaam agus thubhairt e re Balac, Nach d'innis mi dhuit, ag ràdh, Gach nì a labhras an Tighearna, sin is éigin domhs' a dheanamh?

27 Agus thubhairt Balac re Balaam, Thig, guidheam ort, bheir mi thu gu h-ionad eile; theagamh gur toil le Dia<sup>a</sup> thu 'g am mallachadh dhomh as a fin.

28 Agus thug Balac Balaam gu mullach Pheoir, a tha 'g amharc re Iefimon.

29 Agus thubhairt Balaam re Balac, Tog dhomh 'an so feachd altairean, agus ulluich dhomh 'an so feachd tairbh òga, agus feachd reitheachan.

30 Agus rinn Balac mar a thubhairt Balaam, agus dh'io-bair e tarbh agus reithe air gach altair.

### C A I B. XXIV.

**A** GUS an uair a chunnaic Balaam gu'm bu toil leis an Tighearna Israel a bheannachadh, cha deachaidh e mar air uairibh eile a dh'iarraidh manaidhean<sup>b</sup>, ach chuir e aghaidh ris an fhàfach.

2 Agus thog Balaam suas a shùilean, agus chunnaic e Israel a' fantuinn 'nam bùthaibh a réir an treubhan, agus thàinig spiorad Dhé air.

3 Agus thog e suas a cho-samhlachd, agus thubhairt e,

Thubhairt Balaam mac Bheoir, agus thubhairt an duine aig an robh a shùile dùinte;

4 Thubhairt efan, a chuala briathra Dhé, a chunnaic taisbeanadh<sup>c</sup> an Uile-chumhachdaich, a' tuiteam agus a shùilean air am fosgladh<sup>d</sup>:

5 Cia àluinn do bhùthan, O Iacob; do phàilliuna, O Israel!

6 Mar na gleannta tha iad sìnte mach, mar liosan<sup>e</sup> re taobh aibhne, mar chraobha fiodh-alois<sup>f</sup> a shuidhich an Tighearna, mar chraobha feudair làimh ris na h-uisgeachaibh.

7 Sruthaidh an t-uisge mach as a shonhichibh, agus bithidh a fhliochd ann am mòran uisgeacha, agus bithidh a rìgh nìs airde na Agag, agus ardaichear a rìoghachd.

8 Thug Dia mach as an Eiphit e, tha aige amhuil neart an aon-adharcaich: ithidh e suas na cinnich a naimhdean, agus brisidh e 'n cnàmhan, agus le shaighdibh tro'-lotaidd se iad.

9 Chrùb e, luidh e sìos mar leòmhann, agus mar leòmhann mòr; cò dhùisgeas suas e? Is beannaichte gach neach a bheannaicheas thusa, agus is mallaichte gach neach a mhallaicheas thu.

10 Agus las corruich Bhalac 'an aghaidh Balaam, agus bhuail e bhasan air a chéile: agus thubhairt Balac re Balaam, A mhallachadh mo naimhdean ghairm mi thu, agus feuch, da rìreadh bheannaich thu iad na trì uairean so.

11 Uime sin teich a nise do d' àite féin: shaoil mi t'ardach-

<sup>a</sup> gu'm bi e ceart ann an fùilibh Dhé. <sup>b</sup> chum sìofachd, druilheachd. <sup>c</sup> ghàraichean. <sup>d</sup> a shùilean dùinte. <sup>e</sup> Eabb. <sup>f</sup> phàilliuna.